



MØTEPROTOKOLL

Utval: Personal og økonomiutvalet
Møtedato: 05.06.2009
Møtetid: 08:00-13.00 og 14.30 – 16.00
Møtestad: Kommunehuset

Av 5 medlemmer møtte 5, inkludert 0 varamedlemmer.

Andre som var til stades på møtet:

Rådmann Ramsli, ass.rådmann Våge og økonomisjef Erdal.
--

Merknader: Møtet vart mellombels heva kl. 13.00 til 14-30
--

Ordføraren gjekk i frå frå sak 41/09 og varaordføraren overtok som leiar av møtet.

Orienteringar/meldingar:	Status Skulebruksplanen 05.06.09- orientering frå ass.rådmann og pedagogisk konsulent..
Utvalet sitt kvarter:	Øyvind Røen stilte spørsmål om naturutvalet si handsaming av privatisering av kommunale vegar.
Dokument utlevert i møtet:	Status Ytre Tysse 05.06.09.

Evt. merknader til protokollen må sendast Samnanger kommune innan 3 dagar.

Tysse, 10.06.2009

Desse sakene vart handsama:

SAKLISTE

Saker til handsaming på møtet			
Sak nr.	Arkivsak	Sakstittel	Merknad
028/09	09/251	Faste saker	
029/09	09/25	Disponering av overskot 2008	
030/09	09/247	Oppretting av stilling som fagarbeidar IKT - del av organisasjonsprosjektet rådmannen sin stab	
031/09	09/250	Søknad om oppretting av to 50 % stillingar frå 2009 - barnevern og sosialkontoret - . Søknad om tilleggsøyving	
032/09	09/22	Budsjettendringar 2009 - driftsbudsjettet	
033/09	09/22	Budsjettendringar 2009 - investeringsbudsjettet	
034/09	09/249	Økonomiplan 2010 - 2013	
035/09	09/17	Fleirbrukshall i Samnanger	
036/09	09/106	Forsøk med røysterett for ungdom som fyller 16 eller 17 år i valåret.	
037/09	09/16	Fritak som domsmenn 2009-12.	
038/09	09/245	Møtefullmektig forliksrådet	
039/09	09/248	Jubileum Frøland kraftverk	
040/09	09/171	Tilskot frå næringsfondet - Bjørkheim AS	
041/09	09/238	Kjøp av grunn til bustadtomter m.m. Erikajorda, Reistad. Spørsmål om pris	
042/09	09/58	Omgjering av stillingsnemning frå administrasjonssjef til rådmann	
043/09	09/258	Rentefritt lån PROSAM AS	

Oversikt faste saker

- Godkjenning av innkalling og sakliste
- Godkjenning av protokoll frå førre møte
- Delegerede vedtak/referatsaker
- Utvalet sitt kvarter

Saknr. 028/09
FASTE SAKER

Administrasjonssjefen sitt framlegg til vedtak:

- Møteinnkallinga og saklista vert godkjent
- Protokollen frå førre møte vert godkjent
- Delegerte vedtak/referatsaker vert tekne til orientering

05.06.2009 Personal og økonomiutvalet

Handsaming i møtet: Utvalet slutta seg til tilrådinga og hadde ingen merknader til delegerte saker og referatsakar.

Utvalet sitt kvarter:

Øyvind Røen viste til naturutvalet si handsaming av privatisering av kommunale vegar i sist møte. Han ba om informasjon om debatten og han stilte spørsmål ved kva vurderingar som lågg til grunn for avgjerda om habilitet.

Adm.sjefen orienterte om den politiske handsaminga som starta med at utvalet valde dei kriteria som vegane skulle kategoriserast etter. Ut frå denne inndelinga valde då utvalet dei vegane som var aktuelle å sjå nærare på. Oppsitjarane langs desse vegane har fått høve til å uttala seg. Fleirtalet i utvalet har meint at politikarane som er oppsitjarar langs vegane på lista er ugilde.

PØ-028/09 Vedtak:

- Møteinnkallinga og saklista vert godkjent
- Protokollen frå førre møte vert godkjent
- Delegerte vedtak/referatsaker vert tekne til orientering.

Saknr. 029/09
DISPONERING AV OVERSKOT 2008

05.06.2009 Personal og økonomiutvalet

Handsaming i møtet:

Bright Olav Gåsdal sette fram følgjande framlegg: "Konto for ferietiltak for funksjonshemma vert auka med kr. 50.000, knt for tilleggsløyvingar får kr. 726.867,42 resten av overskotet vert lagt til disposisjonsfondet."

Marit Aase sette fram følgjande framlegg: "Overskotet for 2008 på kr. 2.476.867,42 vert disponert slik: Disposisjonsfondet kr. 1.700.000 og tilleggsløyvingsskonto kr. 776.867,42."

Det vart røysta alternativt over framlegga. Aase sitt fekk 2 røyster, og Gåsdal sitt framlegg vart vedteke med 3 røyster.

PØ-029/09 Vedtak:

"Konto for ferietiltak for funksjonshemma vert auka med kr. 50.000, knt for tilleggsløyvingar får kr. 726.867,42 resten av overskotet vert lagt til disposisjonsfondet."

Saknr. 030/09

OPPRETTING AV STILLING SOM FAGARBEIDAR IKT - DEL AV ORGANISASJONSPROSJEKTET RÅDMANNEN SIN STAB

05.06.2009 Personal og økonomiutvalet

Handsaming i møtet:

Marit Aase sette fram følgjande framlegg: ” Oppretting av stilling som fagarbeidar IKT- Del av organisasjonsprosjektet rådmannen sin stab.

Rådmannen sin stab vert styrka med ressursar tilsvarande 100% stilling som fagarbeidar.

For 2009 med kr. 50.000 (inkl.utlysing av stillinga) dekkja av tilleggsløvingskonto.

Frå 2010 vert stillinga innarbeidd i ordinært budsjett, ca kr. 450.000. ”

Det vart røysta over framlegget til Aase, som vart samrøystes vedteke.

PØ-030/09 Vedtak:

Oppretting av stilling som fagarbeidar IKT- Del av organisasjonsprosjektet rådmannen sin stab. Rådmannen sin stab vert styrka med ressursar tilsvarande 100% stilling som fagarbeidar.

For 2009 med kr. 50.000 (inkl.utlysing av stillinga) dekkja av tilleggsløvingskonto.

Frå 2010 vert stillinga innarbeidd i ordinært budsjett, ca kr. 450.000.

Saknr. 031/09

SØKNAD OM OPPRETTING AV TO 50 % STILLINGAR FRÅ 2009 - BARNEVERN OG SOSIALKONTORET - . SØKNAD OM TILLEGGSLØYVING

Administrasjonen sitt framlegg til vedtak:

Sosial- og helseeininga (funksjon barnevern) får ei tilleggsløyving på inntil kr 50.000 til bruk til ekstrahjelp. Eininga må sjølv vurdera mellombels omrokkering av personell for å få til effektiv bruk av midlane. Effektivering av vedtaket vert gjort dersom konto for tilleggsløyving vert tilført tilstrekkelege midlar.

Før handsaming av årsbudsjett 2010 skal det vera gjennomført ein analyse av ressursituasjonen og organiseringa i eininga for arbeidsområda barnevern og sosialkontor. Inkludert i dette vert å sjå nærare på ulike modellar for barnevernet, her under etablering av eit familiekontor.

Administrasjonssjefen får ansvar for dette arbeidet.

05.06.2009 Personal og økonomiutvalet

Handsaming i møtet: Framlegget vart samrøystes vedteke.

PØ-031/09 Vedtak:

Sosial- og helseeininga (funksjon barnevern) får ei tilleggsløyving på inntil kr 50.000 til bruk til ekstrahjelp. Eininga må sjølv vurdera mellombels omrokkering av personell for å få til effektiv bruk av midlane. Effektivering av vedtaket vert gjort dersom konto for tilleggsløyving vert tilført tilstrekkelege midlar.

Før handsaming av årsbudsjett 2010 skal det vera gjennomført ein analyse av ressursituasjonen og organiseringa i eininga for arbeidsområda barnevern og sosialkontor. Inkludert i dette vert å sjå nærare på ulike modellar for barnevernet, her under etablering av eit familiekontor. Administrasjonssjefen får ansvar for dette arbeidet.

Saknr. 032/09

BUDSJETTENDRINGAR 2009 - DRIFTSBUDSJETTET

05.06.2009 Personal og økonomiutvalet

Handsaming i møtet:

Marit Aase sette fram følgjande framlegg:” Budsjettjustering som på s.10 i saksframlegget, med tillegg om prosjektet: VATN-kreative krefter kr. 50.000 frå tilleggsøyvingskonto”.

Framlegget vart samrøystes vedteke.

PØ-032/09 Vedtak:

Rammetilskot vert auka opp med kr. 500.000. Økonomisk sosialhjelp vert auka opp med kr. 400.000. Resterande sum kr. 10.000 vert sett av på tilleggsøyvingskonto.

Me avventar utfall av rettsak før det evt. vert gitt tilleggsøyving til dekking av advokathonorar barnevern. Me avventar evalueringstiltak opp mot eige budsjett før det vert eke stilling til budsjettet for PLO. Det må lagast nytt budsjett for småkraftsenteret.

Prosjektet ”VATN-kreative krefter” kr. 50.000 frå tilleggsøyvingskonto.

Saknr. 033/09

BUDSJETTENDRINGAR 2009 - INVESTERINGSBUDSJETTET

05.06.2009 Personal og økonomiutvalet

Handsaming i møtet:

Utvalet gjekk igjennom finansieringsdelen av investeringsbudsjettet sidan ein del av tiltaka er underfinansiert/ikkje finansiert. Det vart då reist spørsmål ved om naturutvalet kan fatta vedtak som går mot kommunestyret si vedtak. Dette gjeld spørsmålet om å omregulera eit par område i reguleringsplan for Steinsland, der omregulering skulle skaffa til veges 2 – 3 bustadtomter der pengane frå tomtesalet er nytta i investeringsbudsjettet. PØ var samrøystes på at naturutvalet sitt vedtak må leggjast fram for kommunestyret anten som sak eller melding.

Etter drøftingar i PØ var det semje om å ta med i vurderingane inntektene frå tomtesalet for nausttomter Rolvsvåg og sal av industritomt Rolvsvåg – til saman kr 690.000. Salssummen for industritomta er tidlegare vedteke ført attende til næringsfondet, og dei må soleis hentast ut frå fondet. Utvalet vel å prioritera opparbeiding i industriområdet kr 500.000, og vil i denne omgang stryke prosjektet med å få sal på kommunalt areal/strøtomter m.m.

Når det gjeld reiskapshuset, avventar ein samtale med Riksantikvaren kva gjeld evt. meirutgifter. Kr 500.000 av utgiftene skal lånefinansierast som budsjettert sjølv om me ikkje får rentefritt lån.

Utvalet står samrøystes bak tilrådinga.

PØ-033/09 Vedtak:

Det vert føreteke fylgjande endringar i investeringsbudsjettet:

Konto nr. 0.1600.3100.0300 Planlegging av areal for sal vert redusert med 500.000 til 0
Konto nr. 0.1600.3100.6700 Sal av tomter vert redusert med 500.000 til 0
Konto nr. 0.1600.3251.6700 Sal av tomter ind. Rolvsvåg vert redusert med 500.000 til 0
Konto nr. 0.1600.3251.9595 Bruk næringsfondet vert auka med 500.000 til 500.000
Delar av kostnaden med reiskapshus kyrkja kr 500.000 vert finansiert med lån sjølv om det ikkje er gitt rentekompensasjon for lånet.

Saknr. 034/09**ØKONOMIPLAN 2010 - 2013**

05.06.2009 Personal og økonomiutvalet

Handsaming i møtet:

Det er sett i gang ei rekke utgreiingsprosjekt som ikkje vert klare før til hausten. Resultatet av desse arbeida vil ha betydning for kva val kommunen må gjera på fleire område. Ut frå dette vart det fatta eit samrøystes vedtak som inneber at delar av prioriteringane først kan gjerast i dei siste møta før jul, dvs. at heile økonomiplanen må takast opp på nytt når årsbudsjett 2010 vert handsama.

PØ-034/09 Vedtak:

Framlegg til økonomiplan for Samnanger kommune 2010 – 2013 vert gjort gjeldande slik han ligg føre med desse endringane:

Driftsbudsjettet

- 100 % stilling for fagarbeidar IKT og
- 10 % stilling for tilsynslege på sjukheimen

vert innarbeidd i budsjettet f.o.m. 2010.

- Kompetansesenter for småkraft får ei årleg løyving på kr 200.000 i 2010, 2011 og 2012 finansiert ved bruk av næringsfondet.

Pga. pågåande utgreiingsarbeid på ei rekkje område i organisasjonen avventar ein resultatet av dette før ein salderar driftsbudsjettet. Dette vert gjort ved handsaming av årsbudsjettet for 2010.

Investeringsbudsjettet

Prioriterte investeringstiltak går fram av framlegg til økonomiplan.

I planperioden skal bygging av nytt senter for personar med nedsett funksjonsevne og fleirbrukshall prioriterast. Tidspunkt og finansiering vert tatt stilling til ved handsaming av årsbudsjettet for 2010 når det ligg føre ytterlegare informasjon om tiltaka.

Resultatet av utgreiinga om fleirbrukshall vil ha påverknad på kva val kommunen gjer i høve til ma. bruk av kommunehuset, lokalisering av bibliotek og skulestruktur.

Utbetring ved Samnangerheimen vert gjort for å auka standarden på post 4 og redusera tal doble rom. Arbeidet skal gjerast i 2010 sjølv om det medfører mellombels reduksjon i tal sjukeheims plassar.

Saknr. 035/09

FLEIRBRUKSHALL I SAMNANGER

Administrasjonssjefen sitt framlegg til vedtak: Det vert løyvd kr 200 000 til vidare arbeid med planane for ein fleirbrukshall i Samnanger.

05.06.2009 Personal og økonomiutvalet

Handsaming i møtet:

Øyvind Røen sette fram følgjande framlegg :” Det vert løyvd inntil kr. 200.000 til mindre arbeid med ein fleirbrukshall i Samnanger. Tiltaket skal finansierast ved bruk av driftsfond for fysisk aktivitet, knt. 251.20.540.

Plannemnda som er nedsett får dette mandat: Ein greier ut ulike omsyn og tilhøve som er nemnde i planprogrammet som er lagt ved saka. Arbeidet skal følgje framdriftsplanen som er skissert i det same vedlegget.”

Røen sitt framlegg vart samrøystes vedteke.

PØ-035/09 Vedtak:

Det vert løyvd inntil kr. 200.000 til mindre arbeid med ein fleirbrukshall i Samnanger.

Tiltaket skal finansierast ved bruk av driftsfond for fysisk aktivitet, knt. 251.20.540.

Plannemnda som er nedsett får dette mandat: Ein greier ut ulike omsyn og tilhøve som er nemnde i planprogrammet som er lagt ved saka. Arbeidet skal følgje framdriftsplanen som er skissert i det same vedlegget.

Saknr. 036/09

FORSØK MED RØYSTERETT FOR UNGDOM SOM FYLLER 16 ELLER 17 ÅR I VALÅRET.

05.06.2009 Personal og økonomiutvalet

Handsaming i møtet:

Bright Olav Gåsdal sette fram følgjande framlegg: ”Samnanger kommune ønskjer ikkje å ta del i forsøket med røysterett for ungdom som fyller 16 eller 17 år i valåret.”

Framlegget vart vedteke med 4 mot 1 røyst. ”

PØ-036/09 Vedtak:

Samnanger kommune ønskjer ikkje å ta del i forsøket med røysterett for ungdom som fyller 16 eller 17 år i valåret.”

Saknr. 037/09

FRITAK SOM DOMSMENN 2009-12.

05.06.2009 Personal og økonomiutvalet

Handsaming i møtet:

Marit Aase sette fram følgjande framlegg: "Fritaket vert imøtekome". Samrøystes vedteke.

PØ-037/09 Vedtak:

Fritaket vert imøtekome.

Saknr. 038/09

MØTEFULLMEKTIG FORLIKSRÅDET

05.06.2009 Personal og økonomiutvalet

Handsaming i møtet:

Marit Aase sette fram følgjande framlegg: " Anne Kolle, Kristian Jørgensen og Tyra Pedersen.

Samrøystes vedteke.

PØ-038/09 Vedtak:

Anne Kolle, Kristian Jørgensen og Tyra Pedersen vert valde som møtefullmektiger for forliksrådet.

Saknr. 039/09

JUBILEUM FRØLAND KRAFTVERK

Administrasjonssjefen sitt framlegg til vedtak:

Samnanger kommune aukar tilskotet på post 1.1500.3850.1200 til 100-årsmarkeringa for kraftutbygginga i kommunen med inntil kr 35 000 Summen vert dekkja ved ombudsjettingar i kulturbudsjettet under føresetnad av at kulturbudsjettet vert styrka seinare. Løyvinga vert å belasta postane 1.1500.3650 kulturminnevern og post 1.1500.3853 kulturvern og arkiv.

05.06.2009 Personal og økonomiutvalet

Handsaming i møtet: Samrøystes vedteke.

PØ-039/09 Vedtak:

Samnanger kommune aukar tilskotet på post 1.1500.3850.1200 til 100-årsmarkeringa for kraftutbygginga i kommunen med inntil kr 35 000 Summen vert dekkja ved ombudsjettingar i kulturbudsjettet under føresetnad av at kulturbudsjettet vert styrka seinare. Løyvinga vert å belasta postane 1.1500.3650 kulturminnevern og post 1.1500.3853 kulturvern og arkiv.

Saknr. 040/09

TILSKOT FRÅ NÆRINGSFONDET - BJØRKHEIM AS

05.06.2009 Personal og økonomiutvalet

Handsaming i møtet:

sette fram følgjande framlegg: ” Søknaden frå Bjørkheim a/s vert støtta med kr. 100.000 frå næringsfondet.”

Framlegget vart samrøystes vedteke.

PØ-040/09 Vedtak:

Søknaden frå Bjørkheim a/s vert støtta med kr. 100.000 frå næringsfondet.

Saknr. 041/09

KJØP AV GRUNN TIL BUSTADTOMTER M.M. ERIKAJORDA, REISTAD. SPØRSMÅL OM PRIS

Administrasjonssjefen sitt framlegg til vedtak:

Samnanger kommune finn ikkje grunnlag for å auka tilbodet om kjøp av areal til bustadføremål på Reistad.

Før eigedomen kan utnyttast til bustadføremål m.m. må det frå kommunen si side investerast betydelege midlar i ny infrastruktur - vatn og avlaup- og Bygdavegen fram til området må utbetrast mykje. Samnanger kommune har alt strekt seg langt med den prisen som er tilbydd, og det ligg ikkje føre argument for at denne seljaren skal tilgodesjåst med ein betre pris.

05.06.2009 Personal og økonomiutvalet

Handsaming i møtet: Samrøystes vedteke.

PØ-041/09 Vedtak:

Samnanger kommune finn ikkje grunnlag for å auka tilbodet om kjøp av areal til bustadføremål på Reistad.

Før eigedomen kan utnyttast til bustadføremål m.m. må det frå kommunen si side investerast betydelege midlar i ny infrastruktur - vatn og avlaup- og Bygdavegen fram til området må utbetrast mykje. Samnanger kommune har alt strekt seg langt med den prisen som er tilbydd, og det ligg ikkje føre argument for at denne seljaren skal tilgodesjåst med ein betre pris.

Saknr. 042/09

OMGJERING AV STILLINGSNEMNING FRÅ ADMINISTRASJONSSJEF TIL RÅDMANN

05.06.2009 Personal og økonomiutvalet

Handsaming i møtet: Fellesframlegg: ”F.o.m 17.06.09 blir tittelen administrasjonssjef endra til rådmann. Like eins blir assisterande administrasjonssjef endra til assisterande rådmann.”

Framlegget vart samrøystes vedteke.”

PØ-042/09 Vedtak:

F.o.m 17.06.09 blir tittelen administrasjonssjef endra til rådmann. Like eins blir assisterande administrasjonssjef endra til assisterande rådmann.”

Framlegget vart samrøystes vedteke.

Saknr. 043/09

RENTEFRITT LÅN PROSAM AS

05.06.2009 Personal og økonomiutvalet

Handsaming i møtet: Fellesframlegg:” ProSam a.s får eit rentefritt lån frå Samnanger kommune på kr 200.000. Lånet skal attendebetalast etter kvart som innvilga tilskot til ulike prosjekt vert utbetalt. ”

Samrøystes vedteke.

PØ-043/09 Vedtak:

ProSam a.s får eit rentefritt lån frå Samnanger kommune på kr 200.000. Lånet skal attendebetalast etter kvart som innvilga tilskot til ulike prosjekt vert utbetalt.

